

Na osnovu člana 32. Zakona o javnim nabavkama („Službeni glasnik BiH“ broj 39/14), a nakon provedenog otvorenog postupka javne nabavke roba – potrošni materijal i rezervni dijelovi za potrebe tehničkog održavanja, objavljenog na web portalu Agencije za javne nabavke dana 22.08.2017. godine i u „Službenom glasniku BiH“ broj 61/17 dana 25.08.2017. godine, zaključen je

OKVIRNI SPORAZUM

Između:

Javna ustanova Opća bolnica „Prim. dr. Abdulah Nakaš“,
Ul. Kranjčevićeva broj 12, 71000 Sarajevo,
koju zastupa direktor Prim. dr. Zlatko Kravić,
Identifikacijski broj: 4200288400001,
(u daljnjem tekstu: Kupac)

i

„PAPILON“ d.o.o. Sarajevo,
Ul. Ferde Hauptmana broj 7, 71000 Sarajevo,
koga zastupa direktor Indira Zeljković,
Identifikacijski broj: 4200752360000
PDV broj: 200752360000
Transakcijski račun: 3389002206586468
Naziv banke Dobavljača: UniCredit bank d.d. Sarajevo
(u daljem tekstu: Dobavljač)

Član 1.

Predmet Okvirnog sporazuma je nabavka roba: potrošni materijal i rezervni dijelovi za potrebe tehničkog održavanja po lotovima:

1. LOT 1 – Građevinski materijal
2. LOT 2 – Termoenergetski materijal
3. LOT 3 – Elektro materijal

prema ponudama broj: 127/17, 128/17 i 129/17 od 08.09.2017. godine, a na osnovu Odluke o izboru najpovoljnijeg ponuđača broj 5616-9/17 od 20.09.2017. godine.

Ponude sa specifikacijom roba broj: 127/17, 128/17 i 129/17 od 08.09.2017. godine i dokumentacija dostavljena po predmetnoj nabavci sastavni su dio ovog sporazuma,

dalje: ponude Dobavljača, (ugovorne strane podrazumijevaju da kompletna ponuda Dobavljača koja je dostavljena po predmetnoj nabavci sa svim dostavljenim dokumentima / aktima / dokazima / nacrtima / specifikacijama i dr. čini sastavni dio sporazuma s tim da se zbog obimnosti iste uz sporazum fizički vežu samo dokumenti iz ponude koji se odnose na osnovne komercijalne i tehničke elemente ugovora / nabavke), dostavljene po otvorenom postupku – tender broj 16/17.

Član 2.

Okvirni sporazum (u daljem tekstu: sporazum) se zaključuje na period od 24 (dvadesetčetiri) mjeseca i traje do isteka sporazuma odnosno do ukupne utrošene maksimalne finansijske vrijednosti do 239.380,60 KM bez uračunatog PDV-a, odnosno 280.075,31 KM sa uračunatim PDV-om na dvogodišnjem nivou ili po lotovima kako slijedi:

1. LOT 1 - do 73.399,20 KM bez uračunatog PDV-a, odnosno 85.877,07 KM sa uračunatim PDV-om na dvogodišnjem nivou
2. LOT 2 - do 55.986,40 KM bez uračunatog PDV-a, odnosno 65.504,09 KM sa uračunatim PDV-om na dvogodišnjem nivou
3. LOT 3 - do 109.995,00 KM bez uračunatog PDV-a, odnosno 128.694,15 KM sa uračunatim PDV-om na dvogodišnjem nivou

Za vrijeme trajanja sporazuma predviđa se sklapanje 2 (dva) ugovora o javnoj nabavci predmetnih roba po nepromijenjenim uslovima sa dobavljačem kojem se dodjeljuje ugovor u skladu sa članom 3. Okvirnog sporazuma iz oblasti nabavke predmetnih roba.

Član 3.

Strane u sporazumu zaključit će pojedinačne ugovore. Prvi ugovor će se zaključiti istovremeno sa zaključivanjem ovog sporazuma, a nakon provedenog postupka javne nabavke, dok će se drugi ugovor zaključiti bez sprovođenja postupka javne nabavke.

Zaključivanjem pojedinačnog ugovora sa Dobavljačem, nastaje obaveza za isporuku roba.

Količine roba iz Obrasca za cijenu ponude nisu obavezujuće za ugovorni organ.

Cijene roba iz Obrasca za cijenu ponude su nepromjenjive za cijeli ugovoreni period i ne podliježu bilo kakvim promjenama u toku izvršenja sporazuma.

Ugovorne strane su saglasne da sporazum realizuju prema već definisanim uslovima u Obavještenju o javnoj nabavci putem otvorenog postupka nabavke, tenderskoj dokumentaciji, ugovoru o javnoj nabavci roba i ponudi Dobavljača.

Član 4.

Ovaj Okvirni sporazum ugovorne strane mogu raskinuti pisanim putem, na način da strana koja traži raskid ovog okvirnog sporazuma upućuje pisanu obavijest drugoj ugovornoj strani i to u slučaju povrede odredbi okvirnog sporazuma, ako druga strana nije takvu povredu ispravila čak ni u ostavljenom primjerenom roku, koji ne može biti kraći od 5 dana.

Naručilac može raskinuti ovaj Okvirni sporazum u slučaju:

- da Dobavljač kojem je ponuđeno zaključivanje pojedinačnog ugovora ne potpiše pojedinačni ugovor ili ne dostavi bankarsku garanciju za dobro izvršenje ugovora,
- da iz bilo kog razloga ugovorne strane raskinu podijenačni ugovor,
- da druga ugovorna strana ne poštuje odredbe ovog okvirnog sporazuma

Raskid Okvirnog sporazuma se vrši u pisanoj formi u roku od 30 dana od dana prijema obavijesti druge ugovorne strane o raskidu ovog Sporazuma.

Član 5.

Ovaj sporazum stupa na snagu danom obostranog potpisivanja od strane ovlaštenih lica ugovornih strana.

Odredbe ovog sporazuma ne mogu se mijenjati nakon njegovog zaključenja.

Član 6.

Sve eventualne sporove ugovorne strane će rješavati sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je Sud u Sarajevu.

Član 7.

Na odnose koji eventualno nisu uređenim ovim sporazumom primjenjivat će se odredbe Zakona o obligacionim odnosima.

Član 8.

Sporazum je sačinjen u 4 (četiri) istovjetna primjerka, od kojih svaka Ugovorna strana zadržava po 2 (dva) primjerka.

PRIPREMILA:
Amira Petrović, BA uglednoga prava
Režiser za pravne poslove

AT

KONTROLISALA:
Sadeta Hrustemović, dipl. iur.
Kordinator za javne nabavke

Dobavljač
„PAPILON“ d.o.o. Sarajevo
DIREKTOR

Indira Zeljković

Indira Zeljković



Kupac
JU Opća bolnica
„Prim. dr. Abdulah Nakaš“
DIREKTOR
Zlatko Kravić
Prim. dr. Zlatko Kravić

Broj: 105/10/17/2
Sarajevo, 06.10.2017

Broj: 5616-12/17
Sarajevo, 06.10.2017. godine